

Тіркеу №68
«30» шілде 2019 ж.

«БЖЗҚ» АҚ Директорлар кеңесінің
2019 жылғы «17» шілдедегі
№5 хаттамасымен бекітілді

**«Бірыңғай жинақтаушы зейнетақы қоры» акционерлік қоғамында
ақпарат ашу қағидасы**

«Бірыңғай жинақтаушы зейнетақы қоры» акционерлік қоғамының Директорлар кеңесінің хаттамасымен бекітілген өзгерістер мен толықтырулар (күні, нөмірі):

	Өзгерістер, толықтырулар енгізілді	Бекітілген күн	Хаттама №	Тіркеу №
1.	Шешім	«16» қыркүйек 2020 ж.	№ 8	Тіркеу № 94
2.	Хаттама	«__»_____20__ж.	№ _____	Тіркеу № _____
3.	Хаттама	«__»_____20__ж.	№ _____	Тіркеу № _____
4.	Хаттама	«__»_____20__ж.	№ _____	Тіркеу № _____

«Бірыңғай жинақтаушы зейнетақы қоры» акционерлік қоғамының Директорлар кеңесінің 201__ жылғы «__» _____ №__ хаттамасымен күші жойылды деп танылды.

«Бірыңғай жинақтаушы зейнетақы қоры» АҚ	«Бірыңғай жинақтаушы зейнетақы қоры» акционерлік қоғамында ақпарат ашу қағидасы	11 беттен 2-беті
---	---	---------------------

1-тарау. Жалпы ережелер

1. Осы «Бірыңғай жинақтаушы зейнетақы қоры» акционерлік қоғамында ақпарат ашу қағидасы (бұдан әрі – Қағида) «Қазақстан Республикасында зейнетақымен қамсыздандыру туралы» Қазақстан Республикасының заңына, «Бағалы қағаздар нарығы туралы» Қазақстан Республикасының заңына, «Акционерлік қоғамдары туралы» Қазақстан Республикасының заңына, Қазақстан Республикасының бірыңғай жинақтаушы зейнетақы қорының қызметін және бірыңғай жинақтаушы зейнетақы қорының ақпарат ашу тәртібін реттейтін басқа нормативтік құқықтық актілеріне, сондай-ақ «Бірыңғай жинақтаушы зейнетақы қоры» акционерлік қоғамының (бұдан әрі – Қор) ішкі нормативтік құжаттарына сәйкес әзірленді.

2. Осы Қағида ақпарат ашу қағидаттарын, ашылатын ақпарат тізбесін, сондай-ақ түрлі мүдделі тараптарға ақпарат ашу тәртібі мен мерзімдерін анықтау мақсатында әзірленді.

3. Қор өз қызметінде мүдделі тараптар үшін қызмет ашықтығын және тиісінше корпоративтік басқару стандарттарына сәйкестікті қамтамасыз ету қажеттілігін басшылыққа алады.

4. Барынша ашықтық тәжірибесін қолданып, Қор жетуге ұмтылатын мақсаттар:

- 1) Қор салымшыларының (алушыларының) құқықтарын толығырақ іске асыру;
- 2) басқарушылық шешімдер қабылдау үшін елеулі ақпарат алуда Жалғыз акционер құқықтарын толығырақ іске асыру;
- 3) Қор қызметіне әсер етуі мүмкін немесе Қор тарапынан әсерге бейім болуы мүмкін мүдделі тараптардың барлығымен ашық әрі сенімді қатынас орнату;
- 4) Қордың Жалғыз акционер және салымшылар (алушылар) алдында есептілігі мен менеджмент жауапкершілігін арттыру.

5. Осы Қағида Қордың барлық қызметкерінің қолдануына арналған.

Директорлар кеңесінің 2020 жылғы 16 қыркүйектегі №8 шешіміне сәйкес 6-тармаққа өзгерістер енгізілді.

6. Осы Қағидада қолданылатын терминдер және анықтамалар:

1) «Азаматтарға арналған үкімет» Мемлекеттік корпорациясы (бұдан әрі – Мемлекеттік корпорация) – Қазақстан Республикасы Үкіметінің шешімі бойынша Қазақстан Республикасының заңнамасына сәйкес мемлекеттік қызметтер, табиғи монополиялар субъектілерінің желілеріне қосылуға техникалық талаптар беру қызметтерін және квазимемлекеттік сектор субъектілерінің қызметтерін көрсету, «бір терезе» қағидаты бойынша қызметті алушыға олардың нәтижелерін беру, сондай-ақ мемлекеттік қызметтерді электрондық нысанда көрсетуді қамтамасыз ету үшін құрылған, тұрған жері бойынша жылжымайтын мүлікке құқықты мемлекеттік тіркеуді жүзеге асыратын заңды тұлға;

2) ҚЕД (қаржылық есептілік депозитарийі) – ұйымдар өткізетін жылдық қаржылық есептілік пен аудиторлық есептерді, акционерлік қоғамдардың **үлестес** тұлғаларының тізімдерін, жыл қорытындысы бойынша акционерлік қоғамның атқарушы органы мүшелеріне сыйақының жиынтық мөлшері туралы ақпаратты, ұйымның дауыс берілетін акцияларының (қатысу үлесінің) он және одан көп пайына ие акционерлер (қатысушылар) құрамын, акционерлік қоғамда әр мұндай ұйым акцияларының (үлес, пай) он және одан көп пайызы бар ұйымдар тізімін, енгізілген өзгерістері мен (немесе) толықтырулары ескерілген эмиссиялық бағалы қағаздар шығару проспектісін, акциялар орналастыру қорытындысы туралы есепті, сондай-ақ акционерлік қоғамдардың **корпоративтік оқиғалары туралы ақпаратты** қамтитын пайдаланушылар үшін ашық электрондық деректер қоры;

3) мүдделі тұлғалар – Қазақстан Республикасының заңнамасында және Қордың Жарғысында көзделген құқықтарын іске асыруы Қор қызметіне байланысты болатын тұлғалар (салымшылар, алушылар, мемлекеттік органдар, жалғыз акционер және басқа тұлғалар);

4) **конфиденциалды ақпарат** – Қордың бекітілген **конфиденциалды ақпараттар тізбесіне сай жариялау арқылы Қорға, Қормен шарттық қатынастары бар тұлғаларға материалдық немесе өзге де залал тигізуі мүмкін, немесе Қазақстан Республикасы заңнамасына сәйкес**

«Бірыңғай жинақтаушы зейнетақы қоры» АҚ	«Бірыңғай жинақтаушы зейнетақы қоры» акционерлік қоғамында ақпарат ашу қағидасы	11 беттен 2-беті
---	---	---------------------

Қорға жүктелген міндеттер мен қызметтерді орындауға қауіп төндіруі мүмкін коммерциялық құпияға заңды түрде жатқызылған қызметтік сипаттағы ақпарат, зейнетақы жинағының құпиясы, дербес деректердің құпиясы, сондай-ақ Қордың қызметімен, басқаруымен, қаржысымен, қызметкерлерімен, Қордың технологиялық деректерімен байланысты ақпарат;

5) БАҚ – бұқаралық ақпарат құралдары.

2-тарау. Ақпарат ашуға қойылатын жалпы талаптар

§ 1. Ақпарат ашу қағидаттары

7. Ақпарат ашу деп Қазақстан Республикасының заңнамалық актілеріне сәйкес бұл ақпаратты алу мақсатына қарамастан, бұған мүдделі тұлғалардың барлығына оның қолжетімділігін қамтамасыз ету түсініледі.

8. Барлық мүдделі тұлғаға ақпарат ашу конфиденциалды ақпараттың сақталуын қамтамасыз ету талаптары бұзылмаған жағдайда жүзеге асырылады.

9. Қор туралы ақпарат ашудың негізгі қағидаттары:

- 1) жүйелілік және бірізділік;
- 2) ашықтық және қолжетімділік;
- 3) шынайылық және толықтық;
- 4) жеделдік;
- 5) теңгерімділік.

10. Ақпарат ашудың жүйелілік және бірізділік қағидаты ақпараттың сипатына қарамастан, оны беру мерзімдері мен бірізділігін сақтауға қатысты Қордың жауапкершілігін білдіреді.

11. Ақпараттың ашықтық және қолжетімділік қағидаты Қордың мүдделі тараптар үшін еркін, қиындықсыз және аз шығын жұмсалатын ақпарат тарату арналарын таңдауын, сондай-ақ Қордың өз қызметінің барынша ашықтығы үшін жағдай жасау ниетін білдіреді.

12. Шынайылық және толықтық қағидаты Қордың Жалғыз акционерге, салымшыларға (алушыларға) және басқа мүдделі тараптарға шындыққа сай келетін ақпарат және ашылатын деректі немесе оқиғаны түсіну үшін жеткілікті етіп толық берудегі жауапкершілігін білдіреді.

13. Жеделдік қағидаты Қордың аса маңызды деректер мен оқиғаларға қатысты және Жалғыз акционердің, салымшылардың (алушылардың), басқа мүдделі тараптардың мүддесіне қатысты елеулі ақпаратты уақтылы берудегі жауапкершілігін білдіреді.

14. Теңгерімділік қағидаты қызметтік, коммерциялық құпияны, зейнетақы жинақтарының құпиясын немесе Қазақстан Республикасының заңнамалық актілерімен қорғалатын басқа құпияны құрайтын конфиденциалды ақпаратқа рұқсатты шектеу бөлігінде Қор мүддесі қатаң сақталған жағдайда ақпарат алуға мүдделі тұлғалардың құқықтарын барынша іске асыруды қамтамасыз ету мақсатында Қордың бір жағынан ашықтық пен айқындықты, екінші жағынан конфиденциалдылықтың саналы теңгерімін қамтамасыз етуін білдіреді.

§ 2. Ақпарат ашу арналары

15. Қор ақпаратты мынадай негізгі ақпарат арналары арқылы ашады:

- 1) Қордың интернет-ресурсы;
- 2) Қордың атқарушы органы орналасқан жер бойынша ақпарат беру;
- 3) Қордың мүдделі тұлғаларының сұранысы бойынша ақпарат беру;
- 4) Жалғыз акционерге, салымшыларға (алушыларға), мемлекеттік органдарға және Қордың басқа мүдделі тараптарына ақпаратты тікелей жіберу;

«Бірыңғай жинақтаушы зейнетақы қоры» АҚ	«Бірыңғай жинақтаушы зейнетақы қоры» акционерлік қоғамында ақпарат ашу қағидасы	11 беттен 2-беті
---	---	---------------------

5) брифингтер, баспасөз конференциялары мен телефон конференцияларын ұйымдастыру арқылы ақпарат тарату;

6) Қазақстан Республикасының заңнамасына сәйкес анықталған ҚЕД интернет-ресурсы;

7) басқа бұқаралық ақпарат құралдары.

16. Қор қызметі туралы ақпарат ашу мемлекеттік және орыс тілдерінде және қажет болған жағдайда басқа тілдерде жүзеге асырылады.

17. Қор ақпарат ашудың тиісті арналары арқылы ақпарат ашу рәсімдерін белгілейтін арнайы регламенттер қабылдайды. Ақпарат ашу рәсімдері Жарғымен және Қордың басқа ішкі құжаттарымен белгіленеді.

§ 3. Ақпарат ашуға жауапты Қор тұлғалары (органдары)

18. Қағиданы іске асыру аясында Қор тұлғалары мен органдары төмендегілер үшін жауапты:

Директорлар кеңесі Қағиданы, конфиденциалды ақпарат тізбесін бекітеді және олардың сақталуын бақылайды;

Басқарма Төрағасы бекітілген Қағиданың іске асырылуына жауапты;

корпоративтік хатшы Қор туралы ақпаратты ашуға көмектеседі;

Қордың лауазымды тұлғалары мен қызметкерлері Қағида талаптарының сақталуына жауапты.

19. Қордың жауапты тұлғаларының, құрылымдық бөлімшелерінің және Қор органдарының жан-жақты өкілеттігі, құзыреті және міндеттері Қор органдары туралы тиісті ережелерде және Қордың тиісті қызметкерлерінің лауазымдық нұсқаулықтарында анықталады.

20. Қордың қауіпсіздік бөлімшесі Қордың конфиденциалды ақпаратына рұқсаттың жиынтық/бірыңғай матрицасын жүргізуді қамтамасыз етеді.

3-тарау. Мүдделі тұлғаларға ақпарат ашу ерекшеліктері

§ 1. Салымшыларға (алушыларға), мемлекеттік органдарға және басқа тұлғаларға ақпарат ашу

21. Қор бухгалтерлік есепке алуды жүргізеді және Қазақстан Республикасының заңнамасында белгіленген тәртіппен уәкілетті органға меншікті қаражат пен зейнетақы активтері бойынша бөлек қаржылық есептілік және бастапқы статистикалық деректер береді.

Директорлар кеңесінің 2020 жылғы 16 қыркүйектегі №8 шешіміне сәйкес 22-тармаққа өзгерістер енгізілді.

22. Мүдделі тұлғаларға ақпарат ашу аясында Қор:

1) қаржылық есептілік пен аудиторлық есепті Қазақстан Республикасының бухгалтерлік есепке алу және қаржылық есептілік туралы заңнамасында белгіленген тәртіппен және мерзімде, өз қызметі туралы ақпарат пен басқа есептілікті уәкілетті орган белгілеген тәртіппен бұқаралық ақпарат құралдарына жариялайды және Қордың интернет-ресурсына орналастырады;

2) зейнетақы активтерінің есебінен бірыңғай жинақтаушы зейнетақы қорының инвестициялық қоржынының құрылымы туралы мәліметті уәкілетті органның нормативтік құқықтық актісімен белгіленген тәртіппен және мерзімде бұқаралық ақпарат құралдарына, оның ішінде өзінің интернет-ресурсына жариялайды;

3) Қор қызметі туралы жыл сайынғы есепті **Қазақстан Республикасының Ұлттық Банкін** басқару бойынша Кеңестің қарастыруына береді;

«Бірыңғай жинақтаушы зейнетақы қоры» АҚ	«Бірыңғай жинақтаушы зейнетақы қоры» акционерлік қоғамында ақпарат ашу қағидасы	11 беттен 2-беті
---	---	---------------------

4) Орталық атқарушы орган мен бірыңғай жинақтаушы зейнетақы қорының ақпараттық жүйелері арасында жеке зейнетақы шоттары бойынша қозғалыс туралы ақпаратпен орталық атқарушы орган анықтайтын тәртіппен алмасады;

5) Қазақстан Республикасының Үкіметі анықтайтын тәртіппен зейнетақы төлемдерін есепке алу, аудару, қайтару мәселелері бойынша Мемлекеттік корпорациямен өзара қарым-қатынасты жүзеге асырады;

б) атына жеке зейнетақы шоты ашылған жеке тұлғаға сұранысы бойынша жеке зейнетақы шоты ашылған күннен бастап кез келген сұралған күнге зейнетақы жинақтарының жай-күйі туралы ақпаратты ақысыз береді, сондай-ақ «Қазақстан Республикасында зейнетақымен қамсыздандыру туралы» Қазақстан Республикасы заңының 57-бабында көзделген ережелерді ескеріп, оның зейнетақы жинақтары туралы ақпарат алуының электрондық және басқа да тәсілдерін қамтамасыз етеді.

Зейнетақы жинақтарының жай-күйі туралы ақпарат беру тәсілдері Қордың зейнетақы қағидасымен анықталады.

Ағымдағы жылдың 1 қаңтарындағы жағдай бойынша жеке зейнетақы шотында ақша болмаған немесе Қордың зейнетақы қағидасына сәйкес салымшы (алушы) Қорды тұрғылықты мекенжайының өзгергені туралы хабарландырмаған жағдайларда, Қор аяқталған жылдағы зейнеақы жинақтарының жай-күйі туралы ақпаратты салымшыға (алушыға) жібермейді.

23. Қор мүдделі тараптар сұранысы бойынша жалпыға қолжетімді ақпаратты пошта жөнелтілімдері арқылы немесе электрондық түрде атқарушы орган орналасқан жер бойынша береді.

24. Жалпыға қолжетімді ақпаратты беру ақысының мөлшерін Қор белгілейді және құжаттардың көшірмелерін әзірлеу шығыстарының құны мен құжаттарды мүдделі тұлғаға жеткізумен байланысты шығыстар төлемінен аспауы тиіс.

§ 2. Жалғыз акционерге ақпарат ашу

25. Қор жыл сайын Жалғыз акционерге Қазақстан Республикасының аудиторлық қызмет туралы заңнамасына сәйкес аудит жүргізілген аяқталған жыл үшін жылдық қаржылық есептілік береді. Қор қаржылық есептіліктен басқа Жалғыз акционерге аудиторлық есеп береді.

26. Қор Жалғыз акционердің мүддесіне қатысы бар Қор қызметі туралы ақпаратты, оның ішінде корпоративтік оқиғалар туралы ақпаратты Жалғыз акционерге жеткізеді. Жалғыз акционердің мүддесіне қатысы бар Қор қызметі туралы ақпарат Қор жарғысында белгіленген тәртіпке сәйкес беріледі. Бұл ретте мұндай ақпарат беру үшін ақы алынбайды.

§ 3. ҚЕД-ге ақпарат ашу

Директорлар кеңесінің 2020 жылғы 16 қыркүйектегі №8 шешіміне сәйкес 27-тармаққа толықтырулар енгізілді.

27. Қор Қазақстан Республикасының заңнамасында белгіленген тәртіппен және мерзімде ҚЕД интернет-ресурсында:

- 1) корпоративтік оқиғалар туралы ақпарат;
- 2) жыл қорытындысы бойынша Қордың Басқарма мүшелеріне сыйақының жиынтық мөлшері туралы ақпарат;
- 3) дауыс берілетін акцияларының он және одан көп пайызына ие акционерлер құрамын;
- 4) Қорда әр мұндай ұйым акцияларының (үлес, пай) он және одан көп пайызы бар ұйымдар тізімін;
- 5) жылдық қаржылық есептілік пен аудиторлық есептер;

«Бірыңғай жинақтаушы зейнетақы қоры» АҚ	«Бірыңғай жинақтаушы зейнетақы қоры» акционерлік қоғамында ақпарат ашу қағидасы	11 беттен 2-беті
---	---	---------------------

6) енгізілген өзгерістері мен (немесе) толықтырулары ескерілген Қордың эмиссиялық бағалы қағаздарын шығару проспектісін;

7) акциялар орналастыру қорытындысы туралы есепті;

8) Қордың ұйымдастырылмаған нарықта акцияларды сатып алуы кезінде акциялардың құнын анықтау әдістемесін;

9) Қазақстан Республикасының «Бағалы қағаздар рыногы туралы» Заңының 56-1 бабының талаптарына сәйкес әзірленген және бекітілген, инсайдерлік ақпаратты иемдену және пайдалану жөніндегі Қордың ішкі нормативтік құжаттарын ашуға міндетті.

28. Корпоративтік оқиғалар туралы ақпарат деп төмендегілер туралы мәліметтер түсініледі:

1) Жалғыз акционер қабылдаған шешімдер;

2) Директорлар кеңесінің, Басқарманың құрамы, сондай-ақ Директорлар кеңесінің, Қор Басқармасының құрамындағы өзгерістер көрсетілген Директорлар кеңесін, Қор Басқармасын сайлау;

3) Қордың дауыс берілетін акцияларының он және одан көп пайызына ие акционерлер құрамындағы өзгерістер;

4) Қордың Директорлар кеңесі қабылдаған мынадай шешімдер туралы: жылдық және кезектен тыс жалпы акционерлер жиналысын шақырту; орналастыру (іске асыру), оның ішінде жарияланған акциялар санының аясында орналастырылатын (іске асырылатын) акциялар саны, оларды орналастыру (іске асыру) тәсілі мен бағасы;

қоғам өтеуін төлеп алатын акциялар саны орналастырылған акциялардың жалпы санының бір пайызынан артық болса, Қордың орналастырылған акциялардың өтеуін төлеп алуы, олардың өтеуін төлеп алу бағасы;

ірі мәмілелер жасау;

5) Қорда әр мұндай ұйым акцияларының (үлестер, пайлар) он және одан көп пайызы бар ұйымдар тізіміндегі өзгерістер;

6) Қордың ірі мәмілелер жасауы;

7) Қорды қайта құру немесе мәжбүрлеп тарату туралы, сондай-ақ оның еншілес және бағынышты ұйымдарын қайта құру немесе мәжбүрлеп тарату туралы сот шешімдері;

8) құны Қор активтерінің жалпы баланстық құны мөлшерінің он және одан көп пайызын құрайтын Қор мүлкіне тыйым салу (мүлкінен тыйымды алу);

9) нәтижесінде баланстық құны Қор активтерінің жалпы мөлшерінің он және одан көп пайызын құрайтын Қор мүлкі жойылған төтенше сипаттағы жағдайлардың орын алуы;

10) сотта корпоративтік дау бойынша істің қозғалуы;

11) Қордың эмиссиялық бағалы қағаздар шығару проспектісіне және жарғысына сәйкес Жалғыз акционер мүддесіне қатысты басқа оқиғалар.

29. Қазақстан Республикасының заңнамасында корпоративтік оқиғалар туралы ақпарат жариялаудың (бағалы қағаздар ұстаушыларға жеткізу) басқа мерзімдері көзделмесе, бұл ақпаратты Қор ол туындаған күннен кейін үш жұмыс күні ішінде ашады.

30. Қор ҚЕД интернет-ресурсында ақпарат ашуды қазақ және орыс тілдерінде қамтамасыз етеді.

31. Қордың ақпаратты ашу тәртібі, Қор ашуы тиіс ақпарат мазмұнына қойылатын талаптар, сондай-ақ Қордың ақпаратты ҚЕД интернет-ресурсында ашу мерзімдері уәкілетті органның нормативтік құқықтық актісімен белгіленеді.

§ 4. Қордың интернет-ресурсында ақпарат ашу

Директорлар кеңесінің 2020 жылғы 16 қыркүйектегі №8 шешіміне сәйкес 32-тармаққа өзгерістер мен толықтырулар енгізілді.

«Бірыңғай жинақтаушы зейнетақы қоры» АҚ	«Бірыңғай жинақтаушы зейнетақы қоры» акционерлік қоғамында ақпарат ашу қағидасы	11 беттен 2-беті
---	---	---------------------

32. Қор Қазақстан Республикасының қолданыстағы заңнамасының талаптарына сәйкес мемлекеттік және орыс тілдерінде Қордың интернет-ресурсына мынадай ақпарат орналастырады:

1) уәкілетті органның нормативтік құқықтық актісінде белгіленген тәртіппен және мерзімде зейнетақы активтері есебінен Қордың инвестициялық қоржынының құрылымы туралы мәлімет;

2) қаржылық есептілік және аудиторлық есеп;

3) комиссиялық сыйақы шамасы;

4) Қордың зейнетақы қағидасы;

5) міндетті зейнетақы жарналары есебінен зейнетақымен қамсыздандыру туралы шарт нысаны;

6) міндетті кәсіптік жарналар есебінен зейнетақымен қамсыздандыру туралы шарт нысаны;

7) ерікті зейнетақы жарналары есебінен зейнетақымен қамсыздандыру туралы шарт нысаны;

8) Қор туралы жалпы ақпарат;

9) **алынып тасталды;**

10) Қордың құрылымдық бөлімшелерінің тізбесі, олардың міндеттері мен қызметтері, сондай-ақ олардың басшылары туралы мәліметтер;

11) Қордың өңірлік бөлімшелерінің тізбесі, олардың міндеттері мен қызметтері, сондай-ақ олардың басшылары туралы мәліметтер;

12) Қор құзыреті, өкілеті, міндеттері мен қызметтеріне регламент белгілейтін нормативтік құқықтық актілер;

13) ақпараттық ресурстар және қызметтер туралы ақпарат;

14) конкурстар, тендерлер өткізу туралы ақпарат:

ашық конкурстық сауда-саттық (аукциондар, тендерлер), сараптамалар және басқа іс-шаралар және оларды өткізу талаптары туралы мәліметтер;

оларға жеке және заңды тұлғалардың қатысу талаптары;

өткізілген ашық конкурстық сауда-саттық (аукциондер, тендерлер) хаттамалары;

15) Қордың жарғылық капиталының құрылымы туралы ақпарат, сонымен қатар мынадай мәлімет:

шығарылған қарапайым акцияларды орналастыру саны мен бағасы,

қарапайым акциялар беретін құқық сипаттамасы,

жарияланған, бірақ орналастырылмаған акциялар саны.

16) Қордың ішкі нормативтік құжаттары, оның ішінде мынадай құжаттар:

Қор Жарғысы және оның барлық өзгерістері мен толықтырулары;

Қордың корпоративтік басқару кодексі;

Қор қызметкерлерінің корпоративтік әдеп кодексі;

Қордың Директорлар кеңесі туралы ереже;

Алынып тасталды;

Алынып тасталды;

Қор Басқармасы туралы ереже;

Қордың ақпарат ашу қағидасы;

Корпоративтік дау-жанжалды шешу қағидасы;

Тәуекелдерді басқару саясаты;

Зейнетақы қағидасы;

Алынып тасталды;

Алынып тасталды.

17) Қордың ішкі аудиторы туралы ақпарат, сонымен қатар мынадай мәлімет:

аудиторлық ұйым атауы;

«Бірыңғай жинақтаушы зейнетақы қоры» АҚ	«Бірыңғай жинақтаушы зейнетақы қоры» акционерлік қоғамында ақпарат ашу қағидасы	11 беттен 2-беті
---	---	---------------------

Қорға көрсетілетін қызмет тізбесі;

18) салымшыларға (алушыларға) арналған арнайы ақпарат, сонымен қатар мынадай ақпарат:

шағымдарды қарау рәсімдері;

Қорды басқаруға және оның корпоративтік басқаруына жауапты тұлғалардың аттары мен оларға өтініш беру тәртібі.

19) жарияланған бос лауазымдар туралы мәліметтер, сонымен қатар бос лауазымдарды алмастыратын кандидаттарға қойылатын біліктілік талаптары мен бос лауазымдар туралы ақпаратты алу үшін телефон нөмірлері;

20) басқа да ақпарат, оны орналастыру міндеті Қазақстан Республикасының заңнамасымен, соның ішінде Қазақстан Республикасының «Ақпаратқа қол жеткізу туралы» Заңның 16-бабымен белгіленген, немесе ақпарат иесі орналастыруды қажет деп санайтын ақпарат.

33. Қор Директорлар кеңесінің шешімінің негізінде Қордың интернет-ресурсында өз қызметі туралы ақпаратты немесе Қордың конфиденциалды ақпарат тізбесіне кірмейтін, мүдделі тараптар үшін маңызды басқа ақпаратты аша алады.

§ 4. Жылдық есепте ақпарат ашу

34. Қор жыл сайын Қағидада белгіленген тәртіпке сәйкес өз қызметі туралы жылдық қаржылық есеп дайындап, Қордың интернет-ресурсына жариялайды және басқа қолжетімді тәсілдермен таратады.

Қордың жылдық қаржылық есебі, кем дегенде мынадай ақпаратты қамтиды:

Қордың Директорлар кеңесі Төрағасының сөзі;

Қор Басқармасы Төрағасының сөзі;

Қор қызметінің миссиясы, танымы және мақсаттары;

Қор қызметінің негізгі мақсаттары;

Ұсынылатын зейнетақы өнімдері және бағдарламалары туралы ақпарат, әрқайсысы толық сипатталады;

Жыл ішіндегі Қор қызметін бағалау, оның ішінде қол жеткізген нәтижелерді жоспарланғанмен салыстыру – инвестициялық қызмет нәтижелерін талдау және инвестиция қоржынын талдау;

Қордың негізгі тәуекел факторлары және тәуекелдерді басқару туралы ақпарат;

Қордың корпоративтік басқару жүйесі туралы ақпарат, оның ішінде Қордың ұйымдық құрылымы, Қор органдарының құрылымы, олардың қызметтері, өкілеттіктері мен құрамы туралы ақпарат;

Қордың Директорлар кеңесінің қызметі туралы есеп;

Қызметкерлердің денсаулығын қорғау, оларды кәсіби оқыту, еңбек қауіпсіздігі және қоршаған ортаны қорғау мәселелері бойынша ақпарат.

§5. Инсайдерлік ақпаратты ашу

35. Инсайдерлік ақпаратты құрайтын және ашылуы тиіс мәліметтер тізбесін, сондай-ақ инсайдерлік ақпаратты ашу тәртібі мен мерзімін «Бірыңғай жинақтаушы зейнетақы қоры» акционерлік қоғамында инсайдерлік ақпаратты қолдану және пайдалану қағидасы анықтайды.

4-тарау. Конфиденциалды ақпаратты қорғау

36. Қордың қызметіне қатысты құжаттары Қазақстан Республикасының заңнамасында белгіленген мерзім ішінде Қордың атқарушы органы орналасқан жерде сақталуы тиіс.

«Бірыңғай жинақтаушы зейнетақы қоры» АҚ	«Бірыңғай жинақтаушы зейнетақы қоры» акционерлік қоғамында ақпарат ашу қағидасы	11 беттен 2-беті
---	---	---------------------

37. Қор Қазақстан Республикасының заңнамасына және Қордың ішкі нормативтік құжаттарына сәйкес конфиденциалды ақпаратты қорғау шараларын қолданады.

38. Конфиденциалды ақпарат тізбесін Қордың Директорлар кеңесі бекітеді.

39. Қор Басқармасы қызметтік, коммерциялық, зейнетақы және басқа да заңмен қорғалатын құпияны қорғау, конфиденциалды ақпаратты жариялаудан немесе рұқсат етілмеген таратудан болуы мүмкін зиянның алдын алу, бұл ақпаратты кез келген мүдделі тұлғалардың заңсыз пайдалану дерегін болдырмау мақсатында конфиденциалды түзім сақтауды қамтамасыз етеді.

Директорлар кеңесінің 2020 жылғы 16 қыркүйектегі №8 шешіміне сәйкес 40-тармаққа өзгеріс енгізілді.

40. Қор қызметкерлері мен лауазымды тұлғалары еңбек қызметін немесе Директорлар кеңесі мүшесінің қызметтерін жүзеге асыру барысында конфиденциалды ақпарат тізбесіне енгізілген ақпаратты жарияламауға міндетті. Қордағы еңбек қызметін немесе міндеттерін орындауды тоқтатқан Қор қызметкерлері мен лауазымды тұлғаларының аталған ақпаратты **5 (бес)** жыл ішінде жариялауға құқығы жоқ.

41. Қор қызметі туралы ақпарат ашылған кезде Қазақстан Республикасының қолданыстағы заңнамасының, осы Қағида нормаларының талаптары бұзылған немесе Қорға және (немесе) Жалғыз акционерге зиян келтіруге апарып соқтырған жалған, нақты емес немесе толық емес мәліметтер берілген жағдайда, бұл бұзушылық үшін кінәлі тұлғалар Қазақстан Республикасының қолданыстағы заңнамасына сәйкес жауапкершілікке тартылады.

5-тарау. Қорытынды ережелер

42. Қағиданы, сондай-ақ оған өзгерістер мен толықтырулар енгізуді Қордың Директорлар кеңесі бекітеді.

43. Заң департаменті Қағиданың өзекті мазмұны үшін жауапты.

44. Қағидада көзделмеген мәселелер Қазақстан Республикасының заңнамасына және нормативтік құқықтық актілеріне, сондай-ақ Қордың ішкі нормативтік құжаттарына сәйкес шешіледі.

45. Қазақстан Республикасының заңнамасындағы немесе Қор жарғысындағы өзгерістер нәтижесінде Қағиданың жекелеген нормалары олармен қайшы болып қалса, Қағиданың бұл нормалары күшін жояды және Қағидаға тиісті өзгерістер енгізілген сәтке дейін Қазақстан Республикасының заңнамасын және (немесе) Қор жарғысын басшылыққа алу керек.

Басқарма Төрағасының м.а.

С. Егеубаева

«Бірыңғай жинақтаушы зейнетақы қоры» АҚ	«Бірыңғай жинақтаушы зейнетақы қоры» акционерлік қоғамында ақпарат ашу қағидасы	11 беттен 2-беті
---	---	---------------------

«Бірыңғай жинақтаушы зейнетақы қоры» акционерлік қоғамында ақпарат ашу қағидасын келісу парағы

Лауазым атауы	Атының инициалы, тегі	Қолы	Қол қойылған күн	Ескертпе
Басқарушы директор	Утегулов М.А.			
Корпоративтік хатшы	Жакупкалиева Ж.			
Қауіпсіздік департаментінің директоры	Артыкбаев М.А.			
Ішкі аудит департаментінің директоры	Кошербаева А.М.			
Жұртшылықпен байланыс департаментінің директоры	Забих К.Ж.			

Өзірлеуші:

Заң департаментінің директоры _____

Бактыбаев Н.А.